



Communicaziun a las medias

Il radios da la SRG SSR a Vella

Cuir, ils 02-11-2015 – **"Giuventetgna e musica populara" – uschia sa numna in project dals radios da la SSR SRG per 2015. Sut quai titel fan ils radios SRF - Musikwelle, RTS - La première, RSI - rete due e RTR - Radio Rumantsch comunablamain tschintg emissiuns da chant e musica. Sonda, ils 7 da november a partir da las 17:00 ha ina da questas occurrenzas lieu a Vella en halla polivalenta.**

A quest concert da la SSR SRG, organisà da Radiotelevision Svizra Rumantscha (RTR) e moderà da Hugo Schär (RTR), Karin Kobler (SRF1) ed Olivier Bosia (RSI) sa participeschan sis furmaziuns. Trais da quellas vegnan dal Grischun: la "Musica giuvenila Lumnezia" e la "Kapelle Oberalp" sa preschentan comunablamain e quai aposta per quest' emissiun. La terza furmaziun grischuna vegn da la Val d'Alvra. La chapella da famiglia "Ils Janetts da Stugl" (Domenic Janett cun sia figlia Anna Staschia e ses figl Gian Curdin) suna sauts tradiziunals engiadinais e musica scritta dal bab Domenic.

La Svizra taliana vegn represchentada dal renumà "Duo Grande di Morcote" che sa cumpona da Stefano Fedele (mandolina e violina), Giordano Morettini (ghitarra) e Leon Canepa (filarmonica). Els trais sunan e chantan musica tradiziunala dal Tessin e da la Lombardia.

Da la Svizra romanda vegnan ils frars Julien et Dimitri Bouclier, dus giuvenils oriunds da la Frantscha, spezialisads sin l'accordeon e la violina. Il "duo Bouclier" vegn ad interpretar a moda virtuos-acrobatica musica da Vivaldi e Piazzolla.

Ina furmaziun vocala interessanta ed enconuschenta preschenta la Svizra tudestga: "Meddle", quatter giuvenas da l'Appenzell Dadens. Cun lur chant fidel e lur costumes appenzellais colorads vegnan ellas a fascinà in e scadin en sala. Dad ellas udin nus chanzuns tradiziunals da l'Appenzell e ruggusselis.

L'emissiun da radio "Giuventetgna e musica populara" vegn registrada sonda, ils 7 da november 2015 tranter las 17:00 e 19:00 en halla polivalenta a Vella. Sunter las 19:00 organischa la "Musica giuvenila Lumnezia" ustaria e saut cun la "Kapelle Oberalp". L'occurrenza è publica, l'entrada è gratuita.

En il program da RTR:

Il Radio Rumantsch emetta questa emissiun interregionala en ils Artgs musicals da dumengia, ils 15 e 22 da november a las 14:00 (repetiziuns: glindesdi, ils 16 e 23 da november, 14:00).

Infurmaziuns:

Radiotelevision Svizra Rumantscha (RTR)

Giusep Giovanin Decurtins,

Via da Masans 2, 7002 Cuir | tel 081 255 75 75 | e-mail giusepgiovanin.decurtins@rtr.ch